



جدوال قمبراچان خطبه جمعة سيري 5/ 2022

(Bulan Mei Tahun 2022)

ب	تاجوق	تاريخ
1.	Kesinambungan Ibadah Pasca Ramadhan	6.5.2022M/ 4 Syawal 1443H
2.	Kenali Al-Quran, Kenalkan Al-Quran	13.5.2022M/ 11 Syawal 1443H
3.	Guru Tunjang Sekolah Sejahtera	20.5.2022M/ 18 Syawal 1443H
4.	Simpanan Persaraan Patuh Syariah	27.5.2022M/ 26 Syawal 1443H
	خطبه كدوا	



فرچيتقن ديباياسي :

زكاة فولاو فينغ

تليفون : 04-5498088



***Jawatankuasa Panel Semakan Teks Khutbah
Negeri Pulau Pinang***

- 1. SS Dato' Seri Dr. Haji Wan Salim bin Wan Mohd Noor (Pengerusi)**
Mufti Kerajaan Negeri Pulau Pinang
- 2. Prof. Madya Dr. Atikullah bin Abdullah**
Pensyarah, Pusat Pengajian Ilmu Kemanusiaan,
Universiti Sains Malaysia
- 3. Ustaz Rosli bin Othman**
Ketua Sektor Pendidikan Islam,
Jabatan Pendidikan Negeri Pulau Pinang
- 4. Ustaz Ahmad bin Hashim**
Ketua Pusat Pengajian Tahfiz Al-Quran,
Kolej Islam Teknologi Antarabangsa Pulau Pinang (KITAB)
- 5. Ustazah Rohayati binti Daud**
Penyelaras Program Intervensi Kaunseling,
Universiti Sains Malaysia
- 6. Ustaz Mohd Salmi bin Shaimi**
Guru, Madrasah Irshad Al-Ashraf Al-Wataniah, SPS
- 7. Ustaz Subki bin Mohamed**
Pensyarah, IPG Kampus Tuanku Bainun
- 8. Ustaz Mohd Hanif bin Omar @ Wahab (Setiausaha)**
Ketua Penolong Pengarah, Bahagian Dakwah
Jabatan Hal Ehwal Agama Islam Pulau Pinang (JHEAIPP)





“Simpanan Persaraan Patuh Syariah”

(27 Mei 2022M / 25 Syawwal 1443H)

الْحَمْدُ لِلَّهِ ذِي الْجَلَالِ وَالْإِكْرَامِ، أَحْمَدُهُ سُبْحَانَهُ هُوَ الْمَلِكُ الْقُدُّوسُ السَّلَامُ،
وَأَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ الَّذِي بَيْنَ الْحَلَالِ وَالْحَرَامِ،
وَأَشْهَدُ أَنَّ مُحَمَّدًا عَبْدُهُ وَرَسُولُهُ، أَفْضَلُ مُرْسَلٍ وَأَكْمَلُ إِمَامٍ.
صَلَّى اللَّهُ وَسَلَّم عَلَى سَيِّدِنَا مُحَمَّدٍ وَعَلَى آلِهِ وَأَصْحَابِهِ الْأَيِّمَةِ الْأَعْلَامِ. أَمَّا بَعْدُ;
فَاتَّقُوا اللَّهَ، عِبَادَ اللَّهِ، حَقَّ التَّقْوَى، وَلَا تَمُوتُنَّ إِلَّا وَأَنْتُمْ مُسْلِمُونَ.

SIDANG JUMAAT YANG DIRAHMATI ALLAH,

Saya berpesan kepada tuan-tuan dan diri saya sendiri marilah sama-sama kita bertakwa kepada Allah سُبْحَانَهُ وَتَعَالَى dengan melaksanakan segala yang diperintah dan meninggalkan segala yang terlarang. Mudah-mudahan pada bulan yang penuh kebahagiaan ini menjadikan kita insan yang berjaya di dunia dan akhirat.

Sebelum melanjutkan bicara, marilah kita berikan sepenuh tumpuan kepada isi kandungan khutbah hari ini. Sedarlah bahawasanya perbuatan berbual-bual, bermain telefon bimbit atau tidur dengan sengaja adalah perbuatan sia-sia yang boleh menjejaskan kesempurnaan meraih ganjaran pahala. Tajuk mimbar Jumaat pada hari ini ialah: **“Simpanan Persaraan Patuh Syariah.”**

SIDANG JUMAAT YANG DIRAHMATI ALLAH,

Menyimpan sebahagian daripada pendapatan dan tidak boros dalam membelanjakannya adalah suatu amalan yang dituntut dalam Islam. Allah



سُبْحَانَهُ وَتَعَالَى mengingatkan kita supaya sentiasa seimbang dalam berbelanja, tidak boros hingga jatuh miskin serta tidak tergolong di kalangan mereka yang tercela kerana sifat kedekut. Firman Allah dalam Surah Al-Isra' ayat 29:

وَلَا تَجْعَلْ يَدَكَ مَغْلُولَةً إِلَىٰ عُنُقِكَ وَلَا تَبْسُطْهَا كُلَّ الْبَسِطِ فَتَقْعُدَ مَلُومًا مَّحْسُورًا ﴿٢٩﴾

Maksudnya: “Dan janganlah engkau jadikan tanganmu terbelenggu di lehermu, dan janganlah pula engkau menghulurkannya dengan sehabis-habisnya, kerana akibatnya akan tinggalah engkau dengan keadaan yang tercela serta menyesal.”

Salah satu daripada ciri-ciri ‘Ibadur Rahman’ juga adalah bersederhana di dalam membelanjakan harta sepertimana firman Allah سُبْحَانَهُ وَتَعَالَى :

وَالَّذِينَ إِذَا أَنفَقُوا لَمْ يُسْرِفُوا وَلَمْ يَقْتُرُوا وَكَانَ بَيْنَ ذَلِكَ قَوَامًا ﴿٦٧﴾

Maksudnya: “Dan juga mereka (yang diredhai Allah itu ialah) yang apabila membelanjakan hartanya, tiadalah melampaui batas dan tiada bakhil kedekut; dan (sebaliknya) perbelanjaan mereka adalah betul sederhana di antara kedua-dua cara (boros dan bakhil) itu.” (Surah Al-Furqan: 67)

SIDANG JUMAAT YANG DIRAHMATI ALLAH,

Kumpulan Wang Simpanan Pekerja (KWSP) merupakan badan berkanun yang diamanahkan untuk membantu tenaga kerja Malaysia menabung untuk persaraan selaras dengan Akta KWSP 1991.

Bagi membolehkan ahli mempunyai simpanan persaraan patuh syariah, KWSP juga telah menyediakan akaun KWSP yang diuruskan mengikut prinsip syariah iaitu **akaun Simpanan Syariah** bermula pada 1 Januari 2017.

Untuk makluman sidang jemaah sekalian, setelah lima tahun akaun Simpanan Syariah diperkenalkan, ahli KWSP beragama Islam yang telah bertukar ke akaun Simpanan Syariah hanyalah 15%. Manakala di negeri Pulau Pinang

pula, hanya 16% ahli KWSP beragama Islam yang telah bertukar ke akaun Simpanan Shariah.

Keadaan ini amatlah menyedihkan dan membimbangkan, kerana masih ramai daripada kita yang masih membiarkan simpanan persaraan mereka diuruskan secara konvensional. Rasulullah ﷺ bersabda:

يَأْتِي عَلَى النَّاسِ زَمَانٌ لَا يُبَالِي الْمَرْءُ مَا أَخَذَ مِنْهُ أَمِنْ الْحَلَالِ أَمْ مِنَ الْحَرَامِ

Maksudnya: “Akan datang suatu zaman nanti di mana seseorang sudah tidak lagi mengambil endah apa (pendapatan) yang diperolehinya, sama ada daripada sumber halal ataupun haram”. (Hadis Riwayat al-Bukhari)

SIDANG JUMAAT YANG DIRAHMATI ALLAH,

Bagi ahli KWSP beragama Islam, akaun Simpanan Shariah bukanlah suatu pilihan tetapi ia adalah suatu kewajipan. Ahli KWSP beragama Islam perlu sedar akan kepentingan untuk segera beralih ke akaun Simpanan Shariah, antaranya:

PERTAMA: Akaun Simpanan Shariah akan membantu ahli menyediakan simpanan persaraan yang boleh dimanfaatkan sepenuhnya termasuk untuk menunaikan ibadah haji dan umrah tanpa sebarang keraguan dan was-was ke atas sumber dana.

Allah ﷻ berfirman dalam Surah al-Baqarah ayat 172:

يَا أَيُّهَا الَّذِينَ ءَامَنُوا كُلُوا مِن طَيِّبَاتِ مَا رَزَقْنَاكُمْ وَاشْكُرُوا لِلَّهِ إِن كُنتُمْ إِيَّاهُ تَعْبُدُونَ ﴿١٧٢﴾

Maksudnya: “Wahai orang-orang yang beriman! Makanlah daripada benda-benda yang baik (yang halal) yang telah Kami berikan kepada kamu.”

KEDUA: Selain itu, ahli KWSP yang masih belum bertukar ke akaun Simpanan Shariah secara tidak langsung telah membenarkan simpanan mereka diurus dan dilaburkan secara tidak menepati syariat. Ini dibimbangi mengandungi unsur-unsur haram seperti *riba'* (faedah), *maysir* (perjudian) dan *gharar* (ketidakpastian di dalam kontrak).

SIDANG JUMAAT YANG DIRAHMATI ALLAH,



Setiap tahun KWSP akan memaklumkan kadar dividen yang perlu dibersihkan oleh ahli KWSP beragama Islam yang masih belum bertukar ke akaun Simpanan Syariah. Hal ini kerana simpanan mereka diuruskan secara konvensional dan dividen yang diterima setiap tahun adalah hasil daripada pelaburan bercampur antara yang halal dan haram.

Sebagai contoh sekiranya jumlah dividen yang diterima adalah sebanyak RM1,000.00 maka sejumlah RM690.00 tidak boleh dimanfaatkan dan perlu dibersihkan dengan diserahkan kepada Baitulmal atau faqir miskin.

Manakala bagi ahli yang baru bertukar ke akaun Simpanan Syariah pada tahun 2021 yang hanya berkuat kuasa pada 1 Januari 2022, dividen Simpanan Konvensional 2021 yang diterima pada bulan Mac 2022, tidak perlu dibersihkan memandangkan penentuan tarikh kuatkuasa pertukaran adalah di luar bidang kuasa ahli.

SIDANG JUMAAT YANG DIRAHMATI ALLAH,

Setiap daripada kita telah ditentukan rezeki dan ajalnya. Sekiranya usia kita dipanjangkan, segala usaha dan titik peluh kita bekerja dan menyimpan secara patuh syariah akan dapat dinikmati sepenuhnya apabila kita dibenarkan membuat pengeluaran simpanan KWSP. Namun sebaliknya, sekiranya usia kita tidak panjang, sekurang-kurangnya kita dapat menyediakan dana yang halal untuk diagihkan kepada ahli keluarga yang akan mewarisi simpanan KWSP kita.

Bagi mengakhiri khutbah pada hari ini, marilah sama-sama kita bermuhasabah dengan menghayati perkara-perkara berikut:

1. Seimbang dalam berbelanja dengan menyimpan sebahagian daripada pendapatan dan tidak boros dalam membelanjakannya adalah suatu sifat mulia yang dituntut di dalam Islam.
2. Kita wajib memastikan simpanan kita diuruskan secara patuh syariah khususnya simpanan persaraan bagi ahli KWSP dengan beralih kepada akaun Simpanan Syariah.
3. Ingatlah, harta yang diperolehi daripada sumber yang tidak patuh syariah seperti dividen KWSP daripada akaun simpanan konvensional adalah haram dan tidak boleh dimanfaatkan dan perlu dibersihkan.

بَارَكَ اللَّهُ لِي وَلَكُمْ فِي الْوَحْيَيْنِ، وَنَفَعَنِي وَإِيَّاكُمْ بِمَا أُنْزِلَ عَلَى سَيِّدِ الثَّقَلَيْنِ، وَتَقَبَّلَ مِنِّي وَمِنْكُمْ طَاعَتَهُ لِسَعَادَةِ الدَّارَيْنِ، أَقُولُ مِنْ قَلْبِي الْحَنِينِ، وَأَسْتَغْفِرُ اللَّهَ الْعَظِيمَ لِي وَلَكُمْ أَجْمَعِينَ، وَلِسَائِرِ الْمُسْلِمِينَ وَالْمُؤْمِنِينَ، الْأَحْيَاءِ مِنْهُمْ وَالْمَيِّتِينَ، فَاسْتَغْفِرُوهُ يَا فَوْزَ الْمُسْتَغْفِرِينَ، وَأَنْتَ أَرْحَمُ الرَّاحِمِينَ.



خطبة كدوا بولن مي

2022M/ 1443H

الْحَمْدُ لِلَّهِ عَلَى آلَائِهِ وَإِحْسَانِهِ، وَالشُّكْرُ لَهُ عَلَى تَوْفِيقِهِ وَامْتِنَانِهِ،
وَأَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ تَعْظِيمًا لِسَانِهِ،
وَأَشْهَدُ أَنَّ مُحَمَّدًا عَبْدُهُ وَرَسُولُهُ دَاعِيًا إِلَى رِضْوَانِهِ.
صَلَّى اللَّهُ وَسَلَّم عَلَى سَيِّدِنَا مُحَمَّدٍ وَعَلَى آلِهِ وَصَحْبِهِ، عَدَدَ خَلْقِهِ وَرِضَا نَفْسِهِ،
وَزِنَةَ عَرْشِهِ وَمِدَادَ كَلِمَاتِهِ.
أَمَّا بَعْدُ، فَيَا عِبَادَ اللَّهِ، اتَّقُوا اللَّهَ تَعَالَى رَبَّكُمْ حَقَّ تَقَاتِهِ،
وَأَعْمَلُوا بِطَاعَتِهِ وَمَرْضَاتِهِ، ثُمَّ اْعْلَمُوا أَنَّ اللَّهَ سُبْحَانَهُ وَتَعَالَى أَمْرُكُمْ بِأَمْرِ بَدَأَ فِيهِ
بِنَفْسِهِ؛ فَقَالَ - عَلِيمًا حَكِيمًا:

إِنَّ اللَّهَ وَمَلَائِكَتَهُ يُصَلُّونَ عَلَى النَّبِيِّ يَا أَيُّهَا الَّذِينَ ءَامَنُوا صَلُّوا عَلَيْهِ وَسَلِّمُوا تَسْلِيمًا ﴿٥٦﴾
[الأحزاب: 56]

اللَّهُمَّ صَلِّ وَسَلَّم عَلَى عَبْدِكَ وَرَسُولِكَ مُحَمَّدٍ نِ الْبَشِيرِ النَّذِيرِ، وَالسَّرَاجِ الْمُنِيرِ،
وَارْضَ اللَّهُمَّ عَنْ آلِهِ وَصَحَابَتِهِ أَجْمَعِينَ، وَعَنِ التَّابِعِينَ، وَمَنْ تَبِعَهُمْ بِإِحْسَانٍ
إِلَى يَوْمِ الدِّينِ، وَعَنَّا مَعَهُمْ بِعَفْوِكَ وَكَرَمِكَ وَإِحْسَانِكَ يَا أَرْحَمَ الرَّاحِمِينَ.

اللَّهُمَّ اغْفِرْ لِلْمُسْلِمِينَ وَالْمُسْلِمَاتِ وَالْمُؤْمِنِينَ وَالْمُؤْمِنَاتِ الْأَحْيَاءِ مِنْهُمْ
وَالْأَمْوَاتِ،

اللَّهُمَّ آمِنَّا فِي أَوْطَانِنَا، وَأَصْلِحْ وَاحْفَظْ أَيْمَتَنَا وَعُلَمَاءَنَا وَوُزَرَائِنَا وَوُلَاةَ أُمُورِنَا.
اللَّهُمَّ وَفِّقْهُمْ لِمَا فِيهِ عِزُّ دِينِكَ وَنَصْرُ شَرِيعَتِكَ، اللَّهُمَّ اجْعَلْهُمْ هُدَاةً مُهْتَدِينَ
صَالِحِينَ مُصْلِحِينَ وَاشْمَلِ اللَّهُمَّ بِعِنَايَتِكَ وَتَوْفِيقِكَ عَلَى صَاحِبِ الْجَلَالَةِ،

Kebawah Duli Yang Maha Mulia Seri Paduka Baginda Yang di-Pertuan
Agong, Al-Sultan Abdullah Ri'ayatuddin Al-Mustafa Billah Shah Ibni
Almarhum Sultan Haji Ahmad Shah Al-Musta'in Billah dan Kebawah



Duli Yang Maha Mulia Seri Paduka Baginda Raja Permaisuri Agong,
Tunku Hajah Azizah Aminah Maimunah Iskandariah Binti Almarhum
Al-Mutawakkil Alallah Sultan Iskandar Al-Haj;

وَكَذَلِكَ صَاحِبِ الْفَخَامَةِ،

Tuan Yang Terutama, Tun Dato' Seri Utama Ahmad Fuzi Bin Haji Abdul
Razak, Yang di-Pertua Negeri Pulau Pinang.

اللَّهُمَّ ادْفَعْ عَنَّا الْبَلَاءَ وَالْوَبَاءَ وَالْغَلَاءَ وَالرِّيَاءَ، وَالرَّبَا وَالزَّنَا وَالزَّلَازِلَ وَالْمِحْنَ وَسُوءَ
الْفِتَنِ مَا ظَهَرَ مِنْهَا وَمَا بَطَنَ عَنْ بَلَدِنَا هَذَا خَاصَّةً، وَعَنْ سَائِرِ بِلَادِ الْمُسْلِمِينَ
عَامَّةً يَا رَبَّ الْعَالَمِينَ.

اللَّهُمَّ إِنَّا نَعُوذُ بِكَ مِنَ الْبَرَصِ وَالْجُنُونِ وَالْجَذَامِ وَمِنْ سَيِّئِ الْأَسْقَامِ، يَا أَرْحَمَ
الرَّاحِمِينَ.

Ya Allah! Dengan sifat-Mu yang Maha Pemurah dan Maha Mendengar, jadikanlah kami dan keturunan kami orang-orang yang istiqamah mendirikan solat secara berjemaah serta mengeluarkan zakat dan melaksanakan waqaf.

Ya Allah! Berilah petunjuk-Mu kepada kami, pemuda-pemuda kami, pemimpin-pemimpin kami untuk memberikan khidmat bakti yang terbaik kepada agama, bangsa dan negara.

Ya Allah! Kau hindarilah kami daripada perbuatan-perbuatan khianat dan durjana yang merosakkan kepentingan agama, masyarakat dan negara.

عِبَادَ اللَّهِ! إِنَّ اللَّهَ يَأْمُرُ بِالْعَدْلِ وَالْإِحْسَنِ وَإِيتَايَ ذِي الْقُرْبَى وَيَنْهَى عَنِ الْفَحْشَاءِ
وَالْمُنْكَرِ وَالْبَغْيِ يَعِظُكُمْ لَعَلَّكُمْ تَذَكَّرُونَ ﴿٩٠﴾

فَاذْكُرُوا اللَّهَ الْجَلِيلَ يَذْكُرْكُمْ، وَاشْكُرُوا عَلَى نِعَمِهِ يَزِدْكُمْ،
وَلَذِكُرِ اللَّهُ أَكْبَرُ ۖ وَاللَّهُ يَعْلَمُ مَا تَصْنَعُونَ ﴿٩١﴾